

Polko Sokome Nakayáñoní

Galesia Mira Koro

Unipareko ñuno Uró ñu

Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, “Pol,” yaró. Uni ñuko **asáñowí uni** Pol nanje. (*Galesia 1:1* weyo qembe.) Itaka ñño-ñño uni kumimbo ñande ye ñño-yotenggo, ko enendo kumima naru 48AD pe ma 49AD ñuno Antiok Siria yendémo ñuno nakayáñaró, peka. (Asa “48AD” murí muko ñandiro, ko Yesu nimí pisiyaró, yate kumima naru 48 ñunde rotaró. Nore kumima naru 2,000 ñunde rotoro yate itaka yoteto.) Kumimboko ñande ye ñño-yotenggo, ko 51AD koya 53AD keweroko ñuno Antiok Siria pe ma Korin yendémo ñuno nakayáñaró.

Galesia ñuko yendé kini, mira parámi ta. Polko naru kapusa ñunoko Siria mira koro yendé ka, owé Antiok Siria, ñu rotoro mira enesówore khete uyaro **miti mande** yesowoyaró. Asa naru kanatako ñuno enendo uyareyate Galesia mirako uyaro yendé kumimo ñuno **miti mande** yesowo yimitoyaró. (*Asá yerewí Uni 13-14* weyo qembe.) Yendé owéye muko ñandiro: Antiok Pisitia, Aikoniam, Listira, Deripe. Ñuno uyare mahe tero khayó kini tiníño, rohoréñoro Antiok Siria ñuno pitu ko uyareró. Ko tukú piña mande piyimi ka yi ñño sokome ña nakayáñoro riní **Anutu koro huru-huru** soso Galesia mirako ñuno uró.

1 ¹No Pol, noko asáñowí uni^a ka. Uni kato no kama asá nerenjurí, kato no kho kama nunanjurí. Kini, Yesu Kristo^b koya Anutu Awa Yesu uni tapu konjo riní otoqaró ñuya kho nunariyó. ²Asa noya, topo-topone soso ñano yotenggo quya, norendo sokome ña nakayáñato ye Anutu koro unipare Galesia mira yendéne-yendéne kopoyotenggo ñuno yeno uyarete.

^a **1:1** “asáñowí uni” ñuko Yesuko rokóñoro asáñoní eneño khayó taró. ^b **1:1** “Yesu Kristo” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yanjurí. Juda unipareto uni maheweya ñu, “Kristo,” ma, “*Mesaiya*,” ye nekangurí. Asa Yesu mahiní eneño unipareyó, “Kristo Yesu,” ma, “Yesu Kristo,” nanje ye nekangurí.

³Meté Anutu Awananimboya Uni Paráminani Yesu Kristo koya samaka-samaka tuwó yunoro newonde ime yunowari. ⁴Yesu Kristoko Anutu Awananimboro ijo-ijoyó howero enejo yoto-yotoyó rotoro quhurínani soworo nokono unipare piyimi keweroye moŋgo nore noraró. ⁵Meté naru suki-suki Anutu owí hokowato. Hamó.

Miti mande kanata nange yote

⁶Yeŋo muriye ŋuro iŋondata parámi teyoteno. Anutuko ye samaka yerewero quro Kristo^c asáŋoní ye neko yereró. Quko ye waka ta huwóŋoro miti mande enesó ka howeyotenggo. ⁷Mande enesó ŋu miti mande^d horé kini. Uni kumimbo yeŋo newondeye rambaruruwowero Kristo koro miti mande ŋu roworemoyotenggo. ⁸Quko noreŋombope ma sambo simó^e katope mande yesowoweya, quko mande ŋu miti mande komo yimiratowó ŋunde qembe kini, asa danimboko mande ŋunde qu yimirote, ŋuko piyo teweya. ⁹Kaŋuya yeteno, uni kato miti mande ka yimiroweya, quko mande ŋuko mande ye komo iŋaŋgurí ŋu kama howete tiníqo, asa uni ŋuko piyo teweya.

¹⁰Asa ye date iŋotenggo, ko uni kumi owéne hokowero quro mande ŋunde qu yeteno, peka? Kini, Anutuko nange owéne hokoweya, ye iŋoteno. Iŋoyi, no watí uni kinange o meté yerewero ŋuro iŋoyoteno tiníqo, no Kristo koro sunará simó qu kini.

Anutuko Pol khayó inaró

¹¹Uni topo, nondo hamó yimiroteno, miti mande^f komo yimiranowó ŋu, uni kato kama riní tunoqaró. ¹²Dokoro nondo mande ŋu uni noŋgo kama ranowó. Ko uni kato kama rondaqe nunaró. Kini horé. Yesu Kristo^g eneŋombo ijo-iŋonemo witú nereró.

¹³Asa yendo neneŋo khe u-une komo quro sowo mande ŋu iŋaŋgurí. Ŋu naruko ŋuno no Juda koro muriye ŋu howero Anutu koro huru-huru^h rambaruruwowero o piyimi horé te yunanowó. ¹⁴Ko no sitú topo-toponemboro oteteye takaro Juda koro muriye okeyá ta howeyanowó.

^c 1:6 “Kristo” ŋuko Yesu nange, asa Anutuko rokóŋoní mahero wiri yerete uni parámi horé tunoqaró ŋu. ^d 1:7 “miti mande” ŋuko Anutuko Kristo asáŋoní khumoro quhurínanimboro kimo tiní Anutu koya newonde kanata tewero ŋuro mande meté mu nange. ^e 1:8 “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka enejo sunará teyotenggo. ^f 1:11 “miti mande” ŋuko Anutuko Kristo asáŋoní khumoro quhurínanimboro kimo tiní Anutu koya newonde kanata tewero ŋuro mande meté mu nange. ^g 1:12 “Yesu Kristo” - komo suki ye-ye unindo Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “Mesaiya,” ye nekaŋgurí. Asa Yesu mahini enejo unipareyó, “Kristo Yesu,” ma, “Yesu Kristo,” nange ye nekaŋgurí. ^h 1:13 “Anutu koro huru-huru” ŋuko unipare soso Yesu iŋodontuworo nokone-nokone ŋuno huruwoyotenggo qu.

Hamó, usisambatoro hutuŋo mandeye ŋu kondé horé howeyanowó. ¹⁵Quko námembo kama pisi nereyoní ŋuno Anutuko no rokó nereró. Naru kano samaka-samaka tuwóⁱ te nunoro neko nereró. Neko nerero eneŋo nuŋguríŋo howero ¹⁶nondo uni wini meyowo^j ŋu Naŋunímboro mande yesowowero kho qu nunaró. Asa ŋu naruko nanŋe kho ŋuro murímboro uni ka kama oseseyanowó, ¹⁷ko Yerusalem oroqota asá yerewí uni^k korete ŋu ŋuro kama osese yerenowó. Kini, uro Arepia mirako ŋuno yoranowó. Yotoro, yate ŋu noŋgo Damaskus yendémo mahero ŋuno yorano.

¹⁸Asa kumima naru kapusa ŋunde rotoro no Yerusalem oro Sipas^l koya topo tero eneya kosa naru 15 ŋunde yoranowó. ¹⁹Ŋuno yotoro Jems, Uni Parámimbororo koneyó, ŋuya qenenowó, quko asá yerewí uni meyowo ŋu kama yiyanowó. ²⁰Anutu koro toŋímo nondo hamó yeteno, sokome ŋanoko kota mande kama nakayáŋoteno.

²¹Asa yate-yate no Siria mira ko Silisia mirako ŋuno unowó. ²²Ŋuno uwe Kristo koro unipare Judia mirako ŋuno yendé enemo-enemo kopoyoteŋgo, ŋundo no kama niyaŋgurí. ²³Kini, ŋande iŋaŋgurí, “Koretero uni kato nore nuto rambaruru nereyara. Quko itaka miti mande ŋu komo rambaruruwoyara qu ŋu yesowoyote.” ²⁴Ŋunde neneŋo iŋoro Anutu owí hokaŋgurí.

Asá yerewí uni meyowo ŋundo Pol koya newonde kanata taŋgurí

2 ¹Asa kumima naru 14 ŋunde rotoro noya Barnabas koya pitu ko Yerusalem orowó. Oro Taitus ŋuya rero otowó. ²Anutuko iŋo-iŋonemo nimiróni iŋoro oro huru-huru koro sopo-sopo uni kumimbororo yayemo kunditanowó. Kunditero miti mande^m ŋu uni wini meyowoⁿ yesowo yimitoyoteno ŋuro yimiranowó. No wimbo-wimbo kho teyano koro. ³Taitus, Grik uni ka, noya orowó. Oro sopo-sopo uni ŋundo, “Kowí toŋokata,”^o meté yewaŋgo, quko ŋunde kama yaŋgurí. ⁴Hamó, uni meyowombo ŋunde nimiráŋgurí, quko uni ŋuko topo hamó kini. Kini, topo kota qundoko keweronanimo mondó ta mahero yoto-yotonani

ⁱ 1:15 “samaka-samaka tuwó” ŋuko Anutu eneŋombo nore samaka yereyote. Kimoyó moré kini. ^j 1:16 “uni wini meyowo” ŋunde quko Juda unipare kini qu nange. ^k 1:17 “asá yerewí uni” ŋuko Yesuko rokó yerero asá yirini eneŋo khoyó taŋgurí. ^l 1:18 “Sipas” ŋuko asáŋowí uni Pita koro owí ka. ^m 2:2 “miti mande” ŋuko Anutuko Kristo asáŋoní kumoro quhurínanimbororo kimo tiní Anutu koya newonde kanata tewero ŋuro mande meté mu nange. ⁿ 2:2 “uni wini meyowo” ŋunde quko Juda unipare kini qu nange. ^o 2:3 “kowe toŋowero” murí muko ŋandiro: Juda pareto simó urumuni ka pisiyoní kowí toŋoro eneko Anutu koro simó rokóŋaŋgurí. Ko uni wini meyowo qu kato mahero Anutu potoruku tewero kondé iŋaró tiniŋo, ene ŋuyako eneŋo kowí toŋaŋgurí.

meté mu Kristo Yesuko^p nunaró ñu qenero piyimiñoro, “Kusi yereto kho simó^q tunoqewaño,” ye iñañguri. ⁵Quko eneño mandeye ñu kama iño howatowó ñu. Yendo miti mande qenero, kota mande, ye iñowaño koro.

⁶Asa huru-huru^r koro sopo-sopo uni ñuko owéye morémbe ma kini, ñuro kama iñoteno. Anutuko unindoro owéye parámi ñuro kama iñote. Enina, sopo-sopo uni ñuko mande yesowoyoteno ñu kama roñgaruwañguri. ⁷Kini, ñande iñañguri, Anutuko no kho nunoní uni koweye kama toñañguri mu miti mande yesowo yimitoyoteno. Ko Pita kho inoní uni koweye toñañguri qu^s miti mande yesowo yimitoyote. ⁸Dokoro Anutuko Pita wimbu inoro asáñoní uni koweye toñañguri mu keweroyemo kho teyote. Ñunde nañge no ñuya wimbu nunoní uni wini meyowo keweroyemo kho teyoteno. ⁹Sopo-sopo uni ñu Jems, Sipas,^t Jon ñundo ñande qene iñañguri, ko Anutuko no samaka-samaka tuwó^u nunaró. Asa ko enendo noya Barnabas koya topo tañguri. Ñunde tero mande ka kusiyatowó, asa nore irisa uni wini meyowo ñu miti mande yesowo yimitoyowaro, ko eneñombo uni koweye toñañguri mu miti mande yesowo yimitoyowaño. ¹⁰Mande kusiyoro o kanata karo nore nimirañguri, asa uni onoñoye moré kini ñu ma kape yerewero. Hamó, no ñuya kho ñu tewero kondé ye iñoyoteno.

Polko Pita qene yaró

¹¹Asa imemoñgo Sipasko^v Antiok yendémo maheró. Mahero otete piyimi tiní nondo qene yanowó. ¹²Dokoro komo Pita koya uni wini meyowomboro iñondutu uniparetoya kunditero o kopo newero ñuro kama piyimiñaró. Quko Jems koro topé-topé Antiok ñuno mahiqo, Pitako sorero wosoro uni wini meyowomboya o kopo kama neyara. Dokoro ñande iñaró, uni koweye toñañguri qundo^w neneño date ye iñowaño, ye iñaró. ¹³Ñunde tiní Juda koro iñondutu unipare kumimbo eneño mañgo

^p 2:4 “Kristo Yesu” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yañguri. Juda unipareto uni maheweya ñu, “Kristo,” ma, “*Mesaiya*,” ye nekañguri. Asa Yesu mahiní eneño unipareyó, “Kristo Yesu,” ma, “Yesu Kristo,” nañge ye nekañguri. ^q 2:4 “kho simó” ñunde quko uni parámíyómboro kho qu teyara, eneñomoro o ka tewero mepémo kini. ^r 2:6 “*huru-huru*” ñuko unipare soso ñundo Yesu iñondutuwo nokone-nokone ñuno huruwoyotenggo qu. ^s 2:7 “uni koweye toñañguri qu” - ñuko Juda uni nañge. Komo suki Anutuko *Abraham*, Juda unindoro pukoye ñu, ñande miraró, ko enendo rokó ka tero eneño naño-simó soso koweye toñoweya. Ñunde tero, yate-yate Juda uni soso koweye toñañguri. ^t 2:9 “Sipas” ñuko *asáñowí uni* Pita koro owí ka. ^u 2:9 “*samaka-samaka tuwó*” ñuko Anutu eneñombo nore samaka yereyote. Kimoyó moré kini. ^v 2:11 “Sipas” ñuko *asáñowí uni* Pita koro owí ka. ^w 2:12 “uni koweye toñañguri qu” - ñuko Juda uni nañge. Komo suki Anutuko *Abraham*, Juda unindoro pukoye ñu, ñande miraró, ko enendo rokó ka tero eneño naño-simó soso koweye toñoweya. Ñunde tero, yate-yate Juda uni soso koweye toñañguri.

irisawore yewero murí howero njundiro otete ronenejowí^x ñu rotanjurí. Ko Barnabas ñyaya enejo oteteyó genero howaró.

¹⁴Quko nondo enejo oteteyó genero, enendo miti mande^y hamó ñu kama howeyotenggo, ye iñoro Sipas re toñeyemo ñuno qene ñande yanowó, “Keko Juda uni ka, quko keto Juda muríye rotoro uni wini meywomboya topo tero eneya o kopo neyango. Asa ko itaka do karo keto uni wini meyowo ñande kondé yimitoyote, ko enendo enejo muríye rotoro Juda koro muríye howi? ¹⁵Qeno, noya keya Juda uni, uni wini meyowo quhurí teyotenggo qu kini. ¹⁶Asa nore ñande iñotero, Anutuko uni ka hutuño mande^z howeyote ñu genero ronenejowí^a ye kama nekoweya. Kini, unipareto Yesu Kristo^b iñondutuwoyotenggo ñuro nanje, unipare ronenejowí, yero neko yereyote.”

Asa nore Kristo Yesu iñondutuwoyatowó. Ñuro tero hutuño mandewore kini, iñondutuwoore nanje Anutuko nore niyoro, unipare ronenejowí, ye neko nereyote. Hamó, hutuño mandewore uni kanata kato ronenejowí kama tunoqaró.

¹⁷Asa norendo hutuño mande kama howero Kristowore nanje ronenejowí tunoqewato, quko quhurí uni yoteto. Date koro? Kristoko quhurí ñuro metéñoyote, peka? Kini horé. ¹⁸Qeni, koretero nondo oka rewe piyo tiní imemoñgo pitu ko roñgaruwowano tiníño, hutuño mande ñuro wenda-wenda uni hamó yorowano. ¹⁹Dokoro, hutuño mande howero khumoweño, hutuño mande ñuko watí kama sopo nereyote. Ñunde tero nondo yoto-yoto rero Anutu howeyoteno. No Kristo koya tipiririko^c khumarowó, ²⁰ko neneño muríne ñako neneño qu kini, Kristo eneñombo no quroko yote. Enendo newonde meté nunoro samaka nerewero khumaró. Nondo Anutu koro Nañuní iñondutuwooro itaka nokono ñano enejo wimbímo yoteno. ²¹Ñunde yero Anutu koro samaka-samaka tuwó^d ñu kama re rototeno. Dokoro, nore meté hutuño mandewore ronenejowí tunoqewato tiníño, Kristoko kina khumaró.

^x **2:13** “otete ronenejowí” ñuko Anutuko nore rokó yirini noreño murínani enejo murí howeyote. ^y **2:14** “miti mande” ñuko Anutuko Kristo asáñoní khumoro quhurínanimboro kimo tiní Anutu koya newonde kanata tewero ñuro mande meté mu nanje.

^z **2:16** “hutuño mande” ñuko komo suki Anutuko Sainai purímo Moses inoní Israel unipare yunaró. Mande ñuko Juda uniparetoro yoto-yotoye soso sopoyaró. ^a **2:16** “uni ronenejowí” ñuko Anutuko qenero potó moré kini tiní enejo uniyó tunoqete. ^b **2:16** “Yesu Kristo” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yanjurí. Juda unipareto uni maheweya ñu, “Kristo,” ma, “*Mesaiya*,” ye nekangurí. Asa Yesu mahiní enejo unipareyó, “Kristo Yesu,” ma, “Yesu Kristo,” nanje ye nekangurí. ^c **2:19** “tipiriri” ñunde quko wiri yerete uni kumimbo enejo uni sanjiríye yorerero ñuno uroyi khumoyanjurí. ^d **2:21** “samaka-samaka tuwó” ñuko Anutu eneñombo nore samaka yereyote. Kimoyó moré kini.

Hutuŋo mande howewero murí,

iŋondutu tewero murí ŋuro yaró

3 ¹Ye Galesia, yeko kape-kape uni. Nondo Yesu Kristo^e tipiririko^f porowaŋguri ŋuro tunomo ye yimiranowó. Dani kato yeŋo iŋo- iŋoye ŋu roworemoní miti mande ŋu kape taŋguri? ²Asa oka karo osese yerewe teteno. Yendo date tero Yuqa Surumí ŋu raŋguri? Hutuŋo mande^g ŋu howero raŋgurímbe ma kusumboyembo iŋoro iŋondutuwo ro raŋgurímbe? ³Ye date iŋotenggo, koretero Yuqapo wimbu ye yunoní hurí tero khe meté ŋu howeyotenggo, quko itakako koweye saŋanímbo nanŋe khe ŋu howi, yate-yate kini teweya, peka? Hamó, ye kape-kape temukotenggo. ⁴Ye kowe surumí korowaŋguri ŋu kina korowaŋguri, peka? Kini. ⁵Ye date iŋotenggo? Anutuko ye hutuŋo mande howeyotenggo ŋuro iŋoro Yuqa ye yunoro o wimbí moré^h keweroyemo teyote, peka? Kini, enendo ye kusumbo rero iŋondutu teyotenggo ŋuro iŋoro ŋunde teyote, hamómbe?

⁶Asa Anutu koro sokomeko ŋande yete, “Abrahamko Anutu iŋondutuwoní, uni roneneŋowí,ⁱ ye nekaró.”^j ⁷Ŋunde ŋuroko ŋande iŋoyi, uni soso iŋondutu teyotenggo ŋuko Abraham koro simó horé. ⁸Komo suki sokomeko ŋuno ŋande nakayáŋaró, ko naru kano uni wini meywombo iŋondutu tiŋo, Anutuko, unipare roneneŋowí, ye neko yereweya. Ŋunde ŋuroko sokomeko ŋuno Anutuko Abraham miti mande ŋande miraró, “Nondo ke noŋgo uni wini meywoso soso puriŋo te yunowano.”^k ⁹Ŋundiro nanŋe Anutuko Abraham, iŋondutu uni ŋu, puriŋo te inaró, ko unipare soso iŋondutu tewango ŋu ŋuya puriŋo te yunoweya.

¹⁰Qeni, unipare soso hutuŋo mande saŋano kaŋeyotenggo ŋundo takuni piyimi rewango. Dokoro sokomeko ŋuno ŋande nakayáŋaró, “Uni kato hutuŋo mande soso sokomeko ŋuno nakayáŋaró ŋu kama howeyote tiníŋo, Anutuko takuni piyimi saŋanímbo reweya.”^l ¹¹Ko, “Uni ka iŋondutuyówo ro roneneŋowí tete ŋuko yoto-yoto reweya.”^m Ŋundiro nanŋe ŋande iŋomukoteto, Anutuko uni hutuŋo mande howeyotenggo ŋu uni roneneŋowí

^e 3:1 “Yesu Kristo” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋguri. Juda unipareto uni maheweya ŋu, “Kristo,” ma, “*Mesaiya*,” ye nekaŋguri. Asa Yesu mahini eneŋo unipareyó, “Kristo Yesu,” ma, “Yesu Kristo,” nanŋe ye nekaŋguri. ^f 3:1 “tipiriri” ŋunde quko wiri yerete uni kumimbo eneŋo uni saŋgiríye yorero ŋuno uroyi khumoyanguri. ^g 3:2 “*hutuŋo mande*” ŋuko komo suki Anutuko *Sainai* purímo *Moses* inoní Israel unipare yunaró. Mande ŋuko Juda unipareto ro yoto-yotoye soso sopoyaró. ^h 3:5 “o wimbí moré” ŋuko o enesó-enesó tunoqini Anutu koro wimbí ŋunde tunomo yoweya. ⁱ 3:6 “*uni roneneŋowí*” ŋuko Anutuko qenero potó moré kini tiní eneŋo uniyó tunoqete. ^j 3:6 Murí Tero 15:6 ^k 3:8 Murí Tero 12:3; 18:18; 22:18 ^l 3:10 Hutuŋo Mande 27:26 ^m 3:11 Habakuk 2:4

ye kama neko yerete. ¹²Hutuŋo mande howewero murí ŋuko iŋondutu saŋano kama kaŋeyote. Sokomeko ŋande yete, “Uni kato hutuŋo mande soso ŋa howeweya qundo hutuŋo mande ŋuwore yoto-yoto reweya.”ⁿ

¹³Sokomeko ŋuno ŋande nakayaŋaró, “Anutuko uni soso te puŋomo porowoteŋgo qu takuni piyimi saŋayemo reweya.”^o Asa Kristo te puŋomo porowoyi noreŋo hutuŋo mande koro takuni piyimi ŋu ene saŋanímó umbuní kimo nereró.^p ¹⁴Kristo Yesuko ŋunde tiníqo, Anutuko puriŋo Abraham re inaró ŋu uni wini meyowo ŋu re yunoyote. Ŋuro tero nore iŋondutu tatoqo, Anutuko mande kusiyaró ŋu howero Yuqa re nunaró.

Hutuŋo mande ko mande kusiyowí

¹⁵Topo-topone, nondo nore unindoro murínani ŋuro yewe teteno. Asa uni kato khumowero tete quno ŋuno oyó rondaŋero simó yunowero ŋuro mande kondé yeweya. Ŋunde tero meyowombo ri kini tewero mepémo kini, ko ri sowe tewero mepémo kini. ¹⁶Asa Anutuko Abraham ŋande miraró, “No keya sowekepoya mande kusiyoteno.”^q Asa ŋande kama yaró, “Keŋo sowe-sowekepoya mande kusiyoteno.” Kini, sowe-sowe wata ŋuro kama yaró. Kanata quro nange ŋande yaró, “Sowekepoya mande kusiyoteno,” yaró. Ko sowe kanata ŋuko Kristo.^r

¹⁷Neneŋo mandene ŋuro murí muko ŋandiro. Koretero Anutuko o meté yunowero quro mande ka kusiyaró. Kusiyoro, yate-yate kumima naru 430 ŋunde rotoro hutuŋo mande ŋu^s yunaró. Quko hutuŋo mande ŋuko mande kusiyaró ŋu riní kama kini taró. ¹⁸Hamó, hutuŋo mande howewero murí ŋuwore nange o meté ŋu siyowaŋgo tiníqo, mande kusiyaró ŋu riní kini taró. Quko Anutuko mande kusiyoro o soso ŋu Abraham se inaró.

¹⁹Ŋunde ŋuro, do murí karo hutuŋo mande ŋu yunaró? Asa mande wenda-wendanani rihimowero quro hutuŋo mande ŋu se sambo simó^t yunoní Moses, keweroko uni ŋu, miroyi re nore nunaró. Nunoní yoní, yate-yate Anutuko mande kusiyoní sowe qu ka maheweya ŋundo maheró. ²⁰Keweroko uni kato wini irisa-irisa koro kho teyote. Quko Anutu enemata mande ŋu kusiyaró.

Hutuŋo mande ŋuro murí

²¹Asa do ka yewano? Hutuŋo mande ŋuya Anutuko mande kusiyaró ŋuya epe uto-uto teyotiri, peka? Kini horé. Dokoro hutuŋo mande kato

ⁿ 3:12 O Qa-qa Uni 18:5 ^o 3:13 Hutuŋo Mande 21:23 ^p 3:13 “kimo nereró” ŋuro murí muko ŋandiro: norendo o piyimi kusuyoyómo kusiyowí yoteto. Ŋundiro nange Anutuko kimo tero yoriní kina yowato. ^q 3:16 Murí Tero 12:7; 13:15; 24:7 ^r 3:16 “Kristo” ŋuko Yesu nange, asa Anutuko rokóŋoní mahero wiri yerete uni parámi horé tunoqaró ŋu. ^s 3:17 “*hutuŋo mande*” ŋuko komo suki Anutuko *Sainai* purímo Moses inoní Israel unipare yunaró. Mande ŋuko Juda uniparetoro yoto-yotoye soso sopoyaró. ^t 3:19 “*sambo simó*” ŋuko komo suki-suki Anutuko unipare kama yoriní tunoqi sambo simó yondowaró. Ko itaka eneŋo sunará teyotengó.

nore yoto-yoto yunowero wimbí moré tiníqo, mande ŋu nanġe howero roneneŋowí tunoqewato.⁴ ²²Quko mande ka sokomeko⁵ ŋuno ŋande yete, ko quhurímbo unipare soso kusi yereyote. Ŋunde yero unipare Yesu Kristo⁶ iŋondutuwowanġo ŋu yiyoro mande komo kusiyaró ŋu re yunaró.

²³Iŋondutu tewero koro khe ŋu kama tunoqeyoní hutuŋo mandeko nore kusi nerero sopo niriní, yate-yate iŋondutu tewero koro khe ŋu tunoqaró. ²⁴Ŋundiŋo nanġe hutuŋo mande ŋundo noreŋo sopo-soponani qembe kandenanimoto woro Kristoko uyaró. Ŋuro tero nore iŋondutuwoyatoqo, Anutuko nore, unipare roneneŋowí, yero neko yereró. ²⁵Itaka iŋondutu tewero koro khe ŋu tunoqiní sopo-sopo ŋuro kasiramo kama yoteto.

Nore iŋondutu tero Anutu koro simó yoteto

²⁶Dokoro ye soso Kristo Yesu^x iŋondutuwoŋo Anutu koro simó tunoqanġurí. ²⁷Qeni, ye sono reroqo Kristo koya womoro Kristo ŋu tuwi qembe re punuwanġurí. ²⁸Kristo Yesu quroyómo ŋuno Juda unipare ŋuya Grik unipare ŋuya enemata-enemata kama yoteŋgo; kho simó^y ŋuya kho simó kini quya enemata-enemata kama yoteŋgo; urumuni ŋuya pare ŋuya enemata-enemata kama yoteŋgo. Kini, ye soso wini kanata yoteŋgo. ²⁹Ye Kristo koro unipare tunoqeroqo Abraham koro sowe-sowe ŋunde qembe yoteŋgo. Ŋunde yotoro mande Anutuko komo kusiyaró ŋu rero o meté mu siyowaŋgo.

4 ¹Neneŋo mandene ŋuro murí muko ŋandiŋo. Simó korete qu kato parámi teroqo iwímboŋo oyó imemoŋgo siyoweya. Quko tomó ta yotoro kho simó ŋunde qembe yote. ²Ŋunde yoní iwímbo sopo-sopo uni kumi wimbu yunoní simó ŋu sopoyoteŋgo. Sopoyate iwímbo naru rokóŋaró quno ŋuno sopo-sopo koro wimbuye ŋu kini teweya.

³Nore ŋuya ŋunde nanġe. Komo nore simó tomó ta ŋunde yotoro o soso ŋuro kama iŋato tondanaró. Ŋu naruko ŋuno noko koro o murí-

⁴ **3:21** “roneneŋowí tunoqete” ŋuro murí muko ŋandiŋo: asa Anutuko uni ka, pare ka yiyoro potó moré kini tiní eneŋo unipare qu ka tunoqeteŋgo. ⁵ **3:22** “sokome” ŋuko Anutu koro mande korete qu, asa Murí Tero yate Malakai kini tete. ⁶ **3:22** “Yesu Kristo” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yanġurí. Juda unipareto uni maheweya ŋu, “Kristo,” ma, “*Mesaiya*,” ye nekanġurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nanġe ye nekanġurí. ^x **3:26** “*Kristo Yesu*” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yanġurí. Juda unipareto uni maheweya ŋu, “Kristo,” ma, “*Mesaiya*,” ye nekanġurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nanġe ye nekanġurí. ^y **3:28** “kho simó” - ŋu naruko ŋuno unipare qambu kho simó, kho pare tunoqanġurí. Naru kano wini irisa kuma tero kako taka yerero kusi yiriní kho simó tunoqanġurí. Naru kano uni kato utatá parámi tero topé tewero mepémo kini, eneŋo soweyoro kho simó tunoqanġurí. Asa kho simó ŋunde quko uni parámiyómboro kho qu teyara, eneŋomboro o ka tewero mepémo kini.

murí ŋuro kasiramo yoratówó. ⁴Quko Anutuko naru meté ka rokóŋoro Naŋuní asáŋoní pare qahí quroko uni tunoqaró. Tunoqero hutuŋo mande^z ŋuro kasiramo yorará. ⁵Ŋunde tero enendo nore hutuŋo mande ŋuro kasiramo yoteto qu kimo niriní^a Anutuko nore aratu nereró. ⁶Itakako yeko Anutu koro simó. Ŋunde ŋuroko Anutuko Naŋunímboro Yuqa qu asáŋoní umburo newondenanimó yote. Yuqa ŋundo noreno kho tiní nore Anutu ŋandiro nekoyoteto, “Awanani horé,” yeyoteto. ⁷Asa ko yeko kho simó kini, simó hamó tero yoteŋgo. Ŋunde yuri Anutuko yoriní eneŋo simómboro o meté ŋu siyowaŋgo.

Polko Galesia uniparetoro iŋaŋawí taró

⁸Quko komo ye Anutu kama qene iŋoro anutu kota-kota koro kho simó^b yoraŋgo. ⁹Quko itakako yendo Anutu hamó qene iŋoyoteŋgo. Ŋu hamó, quko ŋako hamó horé, asa Anutuko ye yiyoro iŋoyote. Asa ko ye do murí karo wosoro noko koro o murí-murí wimbuye moré kini ŋu kusuŋoyemo, uro kho simóye pitu ko tunoqewero, ye iŋoteŋgo? ¹⁰Qeni, ye naru kumi rokóŋoyoteŋgo, asa kosa naru kate-kate, kombo tapuŋoyote naru, naru pará-pará, ko kumima naru kate-kate rokóŋoyoteŋgo. ¹¹Nondo yeŋo murí ŋu qenero sasaro teteno, dokoro ye keweroyemo kho wimbo-wimbo tanowó, peka.

¹²Uni topo, no kondé yeteno, neneŋo qembe naŋge ti qembe. Dokoro, nondo ye qembe tanowó. Ŋu naruko ŋuno yendo no o piyimi ka kama te nunaŋgurí. ¹³Ye iŋoteŋgo, komo nondo se khumo tanowó. Ŋunde tero naru korete quno ŋuno miti mande^c yesowo yeyanowó. ¹⁴Se khumo tewewe yendo quhuríne korowaŋgurí, quko huwó nerero kama nohowaŋgurí. Kini, no Anutu koro sambo simó^d ŋunde qembe topo te nunaŋgurí, hamó yendo no Kristo Yesu^e qembe topo te nunaŋgurí. ¹⁵Asa ko yeŋo niŋgu-niŋguye ŋu dano yote? No hamó horé yimiroteno, ŋu naruko ŋuno, yendo no samaka nerewero toŋeye tumoro no nunowaŋgo. ¹⁶Quko ye date iŋoteŋgo? Itaka mande hamó yero roŋgaru yerero yeŋo saŋgiríye tunoqeteno, peka? Kini horé.

^z 4:4 “*hutuŋo mande*” ŋuko komo suki Anutuko *Sainai* purímo *Moses* inoní Israel unipare yunaró. Mande ŋuko Juda uniparetoro yoto-yotoye soso sopoyaró. ^a 4:5 “*kimo niriní*” ŋuro murí muko ŋandiro: norendo o piyimi kusuŋoyómo kusiyowí yoteto. Ŋundiro naŋge Anutuko kimo tero yoriní kina yowato. ^b 4:8 “*kho simó*” ŋunde quko uni parámíyómboro kho qu teyara, eneŋomboro o ka tewero mepémo kini. ^c 4:13 “*miti mande*” ŋuko Anutuko *Kristo* asáŋoní khumoro quhurínanimó kimo tiní Anutu koya newonde kanata tewero ŋuro mande meté mu naŋge. ^d 4:14 “*sambo simó*” ŋuko komo suki-suki Anutuko unipare kama yoriní tunoqi sambo simó yondowaró. Ko itaka eneŋo sunará teyoteŋgo. ^e 4:14 “*Kristo Yesu*” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “*Kristo*,” ma, “*Mesaiya*,” ye nekaŋgurí. Asa Yesu mahiní eneŋo unipareyó, “*Kristo Yesu*,” ma, “*Yesu Kristo*,” naŋge ye nekaŋgurí.

¹⁷Uni komo ŋuro yanowó qundo yeŋo kondé iŋoyoteŋgo. Quko otete meté mu kama howero ŋunde iŋoyoteŋgo. Kini, enendo, uni ŋu kusi yereto noreŋo nanŋe kondé iŋowaŋgo, ye iŋoteŋgo. ¹⁸No yeya yorano quno ŋuno yendo o meté kondé ŋu iŋoyaŋgo, ŋu meté. Quko kapiyamo yoteno quno ŋuya ŋunde ti qembe. ¹⁹Nene simóne, no pitu ko pareto oŋa pisi yerewero kowe surumí teteŋgo ŋunde qembe tero kondé ŋande ye iŋoyoteno, meté yeŋo newondeye muko Kristo kiraró qembe tunoqeweya. ²⁰No itaka kiro mande ka yeteno, quko yeya yotoro mepa mande nanŋe yewero ŋuro kondé iŋoyoteno. Dokoro yeŋo muriye ŋuro iŋaŋawí parámi teyoteno.

Haka, Sara koro tapara mande

²¹Ye kumimbo hutuŋo mande koro kusunoyómo yowero iŋoyoteŋgo, asa ye itaka nimirí. Kusumboyembo hutuŋo mande ŋumbe^f iŋaŋgurímbe, ma kini? ²²Sokomeko ŋuno ŋande nakayáŋaró, ko Abrahamko^g naŋo-simó irisa, karo nimí muko kho pare ka, karo nimí muko kho pare kini, kina yora. ²³Kho pareto Abraham koya yate qahu tero simó pisiyaró. Pare meyowo ŋu kusimi yate koŋgomu taró, quko Anutuko mande kusiyoní pare ŋundo Abraham koya yate qahu tero simó pisiyaró.

²⁴Asa sowo mande ŋuko tapara mande^h nanŋe. Pare irisa ŋuko Anutu koro mande kondé irisa ŋuro rokóyari. Mande kondé katoⁱ Sainai purí ŋu noŋgo mahero unipare yoriní kho simó, kho pare tunoqeteŋgo. Ŋuko Haka qembe. ²⁵Haka ŋuko Sainai purí Arepia mirako yote ŋuro rokóŋo. Ko ŋuko Yerusalem itaka nokono yote ŋuro rokóŋo, dokoro unipare ŋuno yoteŋgo qu kho simó, kho pare nanŋe yoteŋgo. ²⁶Quko Yerusalem ka samboko yote ŋuko kina yote. Asa ŋuko námani nanŋe. ²⁷Dokoro sokomeko ŋuno ŋande nakayáŋaró,

“Pare kusimi, ke simó kama pisiyoyote,
niŋgu-niŋgu te.

Pare, ke oŋa pisiyowero kowe surumí kama teyote
niŋgu-niŋgu teya kondé neko.

Dokoro pare kamí moré muko simóyari pisiyote,
quko pare enemata yote ŋuko simó qambu teweya.”

²⁸Uni topo, Anutuko mande kusiyoní nimímbo Aisak pisiyaró. Ŋundiro nanŋe Anutuko mande kusiyoní ye eneŋo simó tunoqaŋgurí. ²⁹Komo

^f 4:21 “*hutuŋo mande*” ŋuko komo suki Anutuko *Sainai* purímo *Moses* inoní Israel unipare yunaró. Mande ŋuko Juda uniparetoro yoto-yotoye soso sopoyaró. ^g 4:22 “*Abraham*” ŋuko Juda uniparetoro pukoye. ^h 4:24 “*tapara mande*” ŋuko sowo mande nanŋe. Uni kato sowo mande ŋunde qu yero oka witú yereró. ⁱ 4:24 “*mande kondé*” ŋuko *hutuŋo mande* nanŋe, komo suki Anutuko *Sainai* purímo ŋuno *Moses* inoní Israel unipare yunaró.

quano simó kowe saŋaníwore tunoqaró qundo simó Yuqawore tunoqaró ŋu o piyimi te inoyara. Itaka ŋuya ŋu murí ŋu yote. ³⁰Quko sokomeko date yete? Ŋande yete,” Kho pare ŋuya simómboya yohowe. Dokoro pare kina yote ŋuro simómbo nanŋe iwímbo ro oyó siyoweya, kho paretoro simómbo kini.”^j ³¹Asa uni topo, noreko kho pare ŋuro simó kini. Kini, noreko kina pare ŋuro simó nanŋe.

Kristo quroyómo nore kina yoteto

5 ¹Kristoko^k o kusi nereyote ŋu orosoyiní kina yoteto. Ŋunde ŋuroko kondé kaŋeyuri. Kho simó^l kaŋuya ma tunoqewero.

²Ŋoyi. No Pol, nondo ŋande yimiroteno, ye koweye toŋowaŋgo^m tiníqo, Kristoko kho taró ŋundo samaka yerewero mepémo kini. ³Pitu ko uni soso koweye toŋowaŋgo ŋu mande ŋu wisiyo yimiroteno, asa hutuŋo mandeⁿ meyowo soso ŋuya howe qembe. ⁴Asa ye roneneŋowí tewero^o quro hutuŋo mande ŋu howeyoteŋgo ŋu, ye Kristo koya kama womoyoteŋgo, Anutu koro samaka-samaka tuwó^p ŋu rotaŋgurí. ⁵Dokoro Anutuko nore, unipare roneneŋowí, yero neko yereró. Neko yiriní nore Yuqa koro wimbí rero Anutu iŋondutuwo ro enendo imemoŋgo nore unipare roneneŋowí hamó tunoqewero ŋuro kondé sopoyoteto. ⁶Dokoro nore Kristo Yesu quroyómo yoteto, ko ŋuno uni kato kowí toŋarómbe ma kama toŋaró, o irisa-irisa ŋu murí moré kini. Kini, o kanata na ŋundoko murí moré, asa uni kato Anutusina iŋondutuwo uni topé-topé newonde meté yunoyote.

⁷Komoko Kristo koro kheyó meté howeyate. Asa ko dani kato khe ŋu wisumuŋoro yowosoní mande hamó mu watí kama howeyoteŋgo? ⁸Anutuko ye neko yereró, quko iŋo-iŋo ka itaka yowosoyoteŋgo ŋuko Anutu koŋgo kama maheyote. ⁹Ŋoyi. Yis tomó ta nanŋeko plaua koya sono koya rohoréŋaŋgurí qu riní koŋero parámi teweya.^q ¹⁰Nore soso Uni Parámimboya womoyoteto. Ŋunde ŋuroko ŋande iŋoyoteno, ye iŋo-iŋo meyowo kama towowaŋgo. Danimbo yeŋo iŋo-iŋoye wosoyote, ŋu kama iŋoteno. Quko enina, uni ŋuko imemoŋgo topé piyimi reweya.

^j 4:30 Murí Tero 21:10 ^k 5:1 “Kristo ” ŋuko Yesu nanŋe, asa Anutuko rokóŋoní mahero wiri yerete uni parámi horé tunoqaró ŋu. ^l 5:1 “kho simó” ŋunde quko uni parámíyómbo ro kho qu teyara, eneŋomboro o ka tewero mepémo kini. ^m 5:2 “kove toŋowero” murí muko ŋandiro: Juda pareto simó urumuni ka piyioní kosa naru kande saŋiyoro kapusa ŋunde rotoní *hutuŋo mande* howero kowí toŋaŋgurí. Ŋunde tero eneko Anutu koro simó rokóŋaŋgurí. Ko uni wini meyowo qu kato mahero Anutu potoruku tewero kondé iŋaró tiníqo, ene ŋuyako eneŋo kowí toŋaŋgurí. ⁿ 5:3 “*hutuŋo mande* ” ŋuko komo suki Anutuko *Sainai* purímo *Moses* inoní Israel unipare yunaró. Mande ŋuko Juda uniparetoro yoto-yotoye soso sopoyaró. ^o 5:4 “*roneneŋowí tete* ” ŋuro murí muko ŋandiro: asa Anutuko uni ka, pare ka yiyoro potó moré kini tiní eneŋo unipare qu ka tunoqeteŋgo. ^p 5:4 “*samaka-samaka tuwó* ” ŋuko Anutu eneŋombo nore samaka yereyote. Kimoyó moré kini. ^q 5:9 Bret towowero quro wit musiyó rumuniŋoroqota plaua ŋuya sono koya yis koya rohoréŋoro rotoyí bret ŋu koŋiní qayaŋgurí.

¹¹Uni topo, ye date ijotenjo, ko nondo, meté koweye tonjoi qembe, njunde watí yesowoyoteno, peka? Asa ko do karo uni kato o piyimi te nunoyotengenjo? Njunde yesowoyoteno tiníqo, Kristo tipiririko^r khumaró njuro murí hamó re rotoyoteno. Asa ko mandene muko enenjo newondaye kama sanjawoweya, hamómbe? ¹²Uni ye rowore yereyotengenjo njuro njande ye ijoteno, meté enendo koweye sombé tomó ta nanje tonjowango. Kini, njuro soso tonjoro enenjo rambaruru tewango.

¹³Asa uni topo, qeni. Anutuko ye neko yiriní oka kato kama kusi yerete, ye kina yotengenjo. Hamó, ye kina yotengenjo, quko koweye sanjaní njuro ma ijo howewero. Kini, topo-topoye newonde meté yunoya epe samaka-samaka teyuri qembe. ¹⁴Dokoro Anutu koro hutunjo mande soso njuko^s murí kanata na. Murí muko njandiro, ke keñomboro injoyote njunde nanje topokeporo njuya njunde nanje ijo yuno qembe. ¹⁵Quko yendo njunde kama teyotengenjo. Kini, keweroyemo kuma tero sangirí tero epe ki-ki teyotengenjo njundo rambaruru yereweya.

Yuqa Surumíwore nore yoto-yotonani moré

¹⁶Nenenjo mandene njuro murí muko njandiro, ye Yuqa Surumímboro injoro howewango quno ye koweye sanjaní njuro kama ijo howewango. ¹⁷Dokoro koweye sanjaní njuko Yuqa Surumí njuro huwónjoro enenjo injo-injoyó howeyote. Ko Yuqa Surumí njundo koweye sanjaní njuro huwónjoro enenjo injo-injoyó howeyote. Njuro irisa njundo ye quroko kuma teyotiri. Asa ko yejo injo-injoye kama howeyotengenjo. ¹⁸Quko Yuqa Surumí njundo yoriní enenjo oreyó howeyotengenjo tiníqo, hutunjo mande komo qundo kama sopo yereyote.

¹⁹Unipareto koweye sanjaní njuro injo howeyotengenjo qu, asa nore oteteye njuro injomukoteto. Njuro njandiro, se simbururu teyotengenjo, otete pusú piyimi mu teyotengenjo, ko tunomo njuya se simbururu teyotengenjo; ²⁰anutu kota-kota potorku te yunoyotengenjo, ko rukusí teyotengenjo; topo kama teyotengenjo, kiro mande yeyotengenjo, newonde tutu teyotengenjo, sangirí parámi teyotengenjo, enenjomboro nanje injoyotengenjo, topoye taka yerewero injoyotengenjo, unipare newondaye kanata qu rambaruruwoyotengenjo, ²¹ko topoyemboro o meté quro newonde piyimi teyotengenjo; sono kondé qu nero kape-kape tero o parámi horé nero hoho piyimi teyotengenjo, ko otete piyimi kumi njunde nanje teyotengenjo. No pitu ko oresaka mande ka yimiroteno, unipare otete njuro teyotengenjo njuko Anutuko unipareyó wiri yereyote naruyómo^t njuno owero mepémo kini.

^r 5:11 “tipiriri” njunde quko wiri yerete uni kumimbo enenjo uni sangiriye yorero njuno uroyi khumoyangurí. ^s 5:14 “hutunjo mande” njuko komo suki Anutuko *Sainai* purímo Moses inoní Israel unipare yunaró. Mande njuko Juda uniparetoro yoto-yotoye soso sopoyaró. ^t 5:21 “Anutuko unipareyó wiri yereyote naruyómo” njuno injondu unipareko hamó Anutu kusunoyómo yowango.

²²Quko Yuqa Surumímbo unipare newondeyemo engé riní tunoqiní otete meté mu howeyotengo. Otete nuko nhandiro, unipare newonde meté yunoyotengo, niŋgu-niŋgu teyotengo, newonde imemo yotengo, mondó ta sopoyotengo, unipare samaka yereyotengo, o meté te yunoyotengo, eneño mandeye okeyá ta howeyotengo, ²³mande ime yeyotengo, koweye sajaní sopoyotengo. Hutuño mande kato otete nunde qu kama soréjyote. ²⁴Kristo Yesu^u koro unipareyómbo koweye sajaní nju tipiririko^u uroyi khumoní nuro iño-iñojó kama howeyotengo. ²⁵Yuqa Surumímbo yoto-yoto nore nunaró tiníqo, eneño kheyó howato. ²⁶Noreño owénani kama hokato, mande piyimi epe mito-mito kama tato, toponanimboro o meté nuro newonde piyimi kama tato.

Ye topoyembo quhuriye korowoyi qembe

6 ¹Uni topo, inji. Quhurí kato topoye riní umbuweya tiníqo, asa ye Yuqa Surumí howeyotengo qu, ye mondó ta yero roŋgaruwi qembe. Quko yeño koweye sajaní nuya sopoyi qembe. Yate Monimbuko ye towo yiriní umbu raŋowaŋgo koro. ²Topoyembo quhuriye koroworo samaka yiri qembe. Njunde teroqo Kristo^w koro hutuño mande nju okeyá ta howewaŋgo. ³Dokoro uni kato eneño owí hokoweya, quko owé moré kini yoweya, asa uni nuko eneño kanáŋoyote. ⁴Uni kanata-kanatako eneño oteteyó nju nanŋe towoŋoyuri qembe, nju metémbe ma piyimi. Njunde tero, eneño oteteyó nuro niŋgu-niŋgu teweya, ko topémbo oteteyó nuro kama iŋoweya. ⁵Dokoro, uni kanata-kanata eneño khoyó nju nanŋe teweya.

⁶Uni kumimbo Anutu koro mande rondaqe yunoyotengo, asa ye uni njunde quya topo teya o meté te yunoyi qembe.

⁷Yeŋombo yeño ma kanáŋowero, ye Anutu koya huwó mande yewaŋgo tiníqo, meté kama yowaŋgo. Do o yuwoyó ka re rimitengo, asa o yuwoyó nuro engé nanŋe siyowaŋgo. ⁸Unindo eneño koweye sajaní nuro iño howeyotengo quno o yuwoyó piyimi mu rimiyotengo njundiro. Ko o yuwoyó nuro engé nuko rambaruru nanŋe. Quko Yuqa Surumí nju howeyotengo quno o yuwoyó meté mu rimiyotengo njundiro qembe. Ko o yuwoyó nuro engé nuko yoto-yoto suki-suki. ⁹Njunde nuroko otete meté mu tewero nuro ma piyimiŋowero. Dokoro nore kho tewero nuro kama piyimiŋoroqo, engé siyowero naruko njuno engé meté mu siyowato.

^u 5:24 “Kristo Yesu” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya nju, “Kristo,” ma, “*Mesaiya*,” ye nekaŋgurí. Asa Yesu mahini eneño unipareyó, “Kristo Yesu,” ma, “Yesu Kristo,” nanŋe ye nekaŋgurí. ^v 5:24 “*tipiriri*” njunde quko wiri yerete uni kumimbo eneño uni saŋgiríye yorero njuno uroyi khumoyaŋgurí. *Rom* unindo Yesu tipiriri njunde quno uroyi khumaró. ^w 6:2 “*Kristo*” nju Kristo Yesu nanŋe, asa Anutuko rokóŋoní mahero wiri yerete uni parámi horé tunoqaró nju.

¹⁰ꞑunde ꞑuroko unipare soso o meté te yunowero koro khe ka qene howato. Quko ꞑondutu unipare o meté te yunowato tiniꞑo, ꞑu otete meté hamó horé.

Polko Yesu tipiririko khumaró ꞑuro ꞑoyote

¹¹Qeni, nondo nakayá pará-pará ꞑa neneꞑo kandenembo nakayáꞑoyoteno.

¹²Asa uni kumimbo owé parámi rewero quro mande kondé ꞑande yimitoyotenggo,” Nore soso kowenani toꞑato,”^x yeyotenggo. Quko mandeyembo murí hamó muko ꞑandiro, sasaro teyotenggo. Uni sanꞑirí kato Kristo^y tipiririko khumaró^z ꞑuro piyimiꞑoro o piyimi te yunowango koro. ¹³Hamó, uni koweye toꝼangurí ꞑundo hutuꝼo mande^a soso kama howeyotenggo. Quko uni ꞑundo owé parámi rewero quro yeꝼo koweye toꝼoyí qembe ye yimitoyotenggo. ¹⁴No o karo neneꝼo owéne kama hokowano. Kini, o kanata naꝼge ꝼuro seré te inowano, asa Uni Paráminani Yesu Kristo neneꝼo tipiririko khumaró. Khumaró ꝼundoko noko koro wimbí riní kini taró. Ko wimbí ꝼuro no kama howeyoteno, kusuꝼoyó quroko kama yowano. ¹⁵Dokoro uni kato kowí toꝼarómbe^b ma kama toꝼaró, o irisa ꝼuko murí moré kini. Nore unipare keta tunoqewato, ꝼundo naꝼge murí moré. ¹⁶Unipare soso ꝼundo ore mande ꝼu howewango, meté Anutuko eneya Anutu koro Israel hamó quya newonde ime te yunoro sikíye te yunoweya.

¹⁷Uni kato no o piyimi ka ma nunowero. Dokoro, kho tewe unindo nuroyi suririne kowenemo ꝼano yote. ꝼu suririne ꝼundo rokó nereyote, asa no Yesu koro kho simó hamó.

¹⁸Uni topo, Uni Paráminani Yesu Kristo koro samaka-samaka tuwó^c ꝼu yuqayemboya yoní. ꝼu hamó.

^x **6:12** “kowe toꝼowero” murí muko ꝼandiro: Juda pareto simó urumuni ka pisiyoní kosa naru kande sanꝼyoro kapusa ꝼunde rotoní *hutuꝼo mande* howero kowí toꝼangurí. ꝼunde tero eneko Anutu koro simó rokóꝼangurí. Ko uni wini meyowo qu kato mahero Anutu potoroku tewero kondé ꝼaró tiniꝼo, ene ꝼyako eneꝼo kowí toꝼangurí. ^y **6:12** “*Kristo*” ꝼuko Yesu naꝼge, asa Anutuko rokóꝼoní mahero wiri yerete uni parámi horé tunoqaró ꝼu. ^z **6:12** “*tipiriri*” ꝼunde quko wiri yerete uni kumimbo eneꝼo uni sanꝼiríye yorero ꝼuno uroyi khumoyangurí. *Rom* unindo Yesu tipiriri ꝼunde quno uroyi khumaró. ^a **6:13** “*hutuꝼo mande*” ꝼuko komo suki Anutuko *Sainai* purímo *Moses* inoní Israel unipare yunaró. Mande ꝼuko Juda uniparetoro yoto-yotoye soso sopoyaró. ^b **6:15** “kowe toꝼowero” murí ꝼuko rokó ka. Komo suki Anutuko Juda koro pukoye *Abraham* rokó ꝼuro miraró. Mironí *Abraham*ko eneꝼo kowí toꝼoro naꝼo-simómboro koweye toꝼoro Anutuko rokó yereró ꝼuro rokó ka taró. (Murí Tero 17 weyo qembe.) ^c **6:18** “*samaka-samaka tuwó*” ꝼuko Anutu enenjombo nore samaka yereyote. Kimoyó moré kini.